



Arubaanse Courant

ANJA 25

DIASABRA 18. JANUARI 1964

No. 4942.

ELIGIMIENTO REINA DI CARNAVAL Y MISS ARUBA PUBLICO LO TUMA PARTI NA ELECCION

Apuntes Editorial

Comedia y Regisor

En berdad ta asina cu tal regisornan profesional de bez en cuando gracia na e preocupacion carinioso di Sticusa ta bin Aruba, pero e preocupacion di Sticusa tin e desventaha cu un anja tin un regisor y despues un anja largo no tin atrobe. Sticusa por paga solamente un regisor y tin di worde parti entre Aruba y Corsow. Resultado: ora tinto regisor na Aruba, e bida di comedia ta florece manera un flor den oranan di malta pero asina cu e regisor bai y tin di keda un an sin regisor. e comedia ta marchita mes liher. Esaki ta lastima pa e esfuerzonan cu a worde haci. Esey ta lastima pa e hopi talentonan cu asina nunca ta worde desaroya completamente. Esey ta lastima pa e amantenan di comedia cu despues di un periodo di abundancia, tin di biba un anja atrobe aribapan cu awa. Ta lastima pa e placa cu Sticusa ta gasta cu esaki.

Ora cu e objeto aki a worde descuti den un combersacion entre tres representante di Mascara y Gobernador, a worde proponi, cu e bida di comedia na Aruba tin di hanja un regisor profesional permanente. E ora e talentonan ta desaroya, continuamente tin bon comedia pa mira y e siminja ta duna bon fruta.

E comedia amateur na Aruba di cual e calidad dia pa dia ta bibrando mihor tin un problema di regisor. Pues e comedia aki a pasa su tempo cu tabata bas tante di tin regisor amateur. Awor tin mester di regisornan profesional.

Otro a pensa cu hunto cu e yudanza di Sticusa y Gobierno, logra cu un regisor profesional worde staciona permanente na Aruba. Pero nos tin un otro proposicion. Lo no ta mucho mas mihor si un Arubiano cu tin e capacidad, hanja e chens aki? Pakiko nos no ta escohe un Arubiano cu tin talento excelente pa comedia y mandé cu

FATUM - Tel: 1845
pa tur bo aseguronan

un beurs di estudio pa Hulanda pa aya via school di comedia y comedia profesional hanja un educacion pa regisor profesional? Ora cu e bolbe despues di seis anja Aruba tin un yiu di terra cu lo gla e bida di comedia na nos isla, un regisor cu como e ta yiu di e pueblo, ta sinti exactamente con cierto comedia por worde presenta, kende intuitivo sabi kiko tin den tal comedia y con e por worde probecha, kiko su hungadornan por haci y nan capacidad. Tal estudio ta dura anjanan, pero e ta bala pena, y pa mas cu un modo nosta prefera esaki cu e stacionamento di un regisor Hulandes permanente na Aruba. Con bon cu e por ta. Hasta si e yama Piet Eitvelt, kende Aruba lastimamente mester a mira bai di aki.

Oranjestad, 18 Januari,

E Comite Central di Carnaval 1964, bao di gia di su presidente Senyor Milo J. Croes e anja aki lo no tene unicamente eleccion di Reina di Carnaval, pero tambe lo organisa eleccion di Miss Aruba. Anteriormente Reinanan di Carnaval tabata worde eligi di candidatanan, di clubnan y comercio, awor lo ta asina cu dia 7 di Februari venidero e Reina di Carnaval 1964 lo worde eligi for di e candidatanan di e clubnan, mientras cu e anochi promer esta dia 6 di Februari, Miss Aruba lo worde eligi for di e candidatanan di comercio. Fuera cu Miss Aruba lo ricibi un bunita premio, esfuerzo lo worde haci tambe pa mandé e anja aki como representante di Aruba na e eligimento di Miss Mundo na Miami Beach.

Consideracionan di e comite di carnaval, manera cu nan a worde tuma over di un diario local, ta cu e eleccion den stadion ariba e base anterior no tabata un asunto completamente honesto, como cu reinanan di carnaval di e clubnan ta worde eligi mayoría parti door di bendemento di voto, asina cu hopi biaha e candidatanan di e club cu worde eligi no ta esun di mas bunita. Comercio alcontrario libremente por escohe e mucha muher di mas bunita cu e kier pa representé. Como cu na e eleccion den stadion, bunita te ainda ta pone un peso basta pisa den e balanza, e competencia entre e candidatanan di e clubnan y comercio no tabata completamente honesto. Hopi biaha tambe a sosode cu ta un candidata di comercio a worde eligi. Malcontento tocante di e asunto aki a resulta anja pasa cu comercio no a tuma parti cu candidatanan pa reina, locual a haci e eleccion den stadion mucho menos atractivo, mescos tambe e parada. Pa bolbe envolvi comercio mucho mas den fiestamento di carnaval C.C.C. awor a tuma e proposicion di e diario y a dicidi pa tene eleccion; uno for di e candidatanan di comercio, cual lo carga e titulo di Miss Aruba y uno for di e candidatanan di e clubnan cu lo carga e titulo di Reina di Carnaval di Aruba lo worde eligi. Pa comercio endudablemente esaki ta un proposicion masha atractivo. E reaccion ariba e plan nobo aki pesel tambe en general a worde accepta masha favorable den circulo comercial.

Miss Aruba

E candidatanan pa Miss Aruba mester cumpli cu diferente exigencianan. E edad mester ta entre 18 y 25, soltera, no ta bai school, bon educacion y capaz pa papia bon Spanjo y Ingles. Comercio no por propone mas cu un candidata pa un empresa of producto, pero cada cas comercial por pone cuanto candidata cu e kier, considerando e condicionnan mensiona. E suma di inscripcion pa candidata pa Miss Aruba ta Fl. 100, - Alavez e firmanan cu pone un candidata desponibel tin e derecho pa hanja un cierto cantidad di carchi di entrada compra pa dia 6 di Februari den Stadion. Tal carchinan e casnan comercial por bolbe usa den campanjanan di bendemento, como

premionan of regalo.

Publico ta yuda

Anteriormente tabata asina cu e aplausa cu cada candidata hanja for di publico tabata tin influencia ariba e cifra cu cada candidata hanja for di e hurado, pero na eleccion di Miss Aruba lo ta asina cu e publico lo vota directamente. Cada carchi di entrada lo ta alavez un carchi di voto ariba cual por nota number di e candidata preferi. E cifra cu cada candidata lo hanja ta worde saca door di dividi e candidata di voto cu el a hanja door di e divisor cual, multiplica cu 10 ta muestra e mes un cifra cu ta e total di voto cu e candidata cu mas voto a hanja. Asina si e candidata cu a hanja mas voto a hanja 6750 anto tur e total di votonan di cada candidata ta worde dividi door di 675. Asina esun cu mas voto ta hanja 10 punta, tur e otronan cu menos ta hanja menos punto, segun e cantidad di voto cu nan a hanja. E inscripcion pa candidata pa Miss Aruba ta termina dia 27 di Januari venidero. Miss Aruba lo hanja for di Aldo Travel Bureau un pasashi gratis pa su mes y un compañera inclusivo gastonan di estadia na hotel y placa di sako pa nan dos. Tambe lo worde trata pa mandé na e Contest di Miss World 1964 na Miami.

San Nicolas

E anja aki San Nicolas tambe lo worde envolvi mucho mas den e fiestamento di carnaval. Entre otro C.C.C. a dicidi pa tene e eleccion di Prins Carnaval cu su Pancho dia 26 di Januari den Netherlands West Indian Welfare Association club. E mihor steelbandnan di Aruba y conhuntan lo duna nan cooperacion na e grandioso eligimento aki di Prins Carnaval 1964.

Coleccion

E comision financiero di C.C.C. 1964 cual ta consisti di diputado G.A. Oduber, kende tabata e presidente di e promer C.C.C. na Aruba, sr. Harold Oduber, Michael Kuiperi y Milo Croes, actual presidente di C.C.C. y cofundador di fiestamento di carnaval pa henter a isla, Diarazon ultimo a cuminsa cu colectamento di placa serca e comerciantenan na Aruba. E resultado di promer dia segun senyor Milo Croes

por worde yama satisfactorio. E coleccion ta continua.

school y gruponan

E anja aki ta reina un enorme interes pa e fiestamento di carnaval na Aruba. Manera cu ta muestra esaki lo bira un carnaval fiesta door di henter e comunidad di Aruba. E interes en general ta enorme. Senjora Laurens di Oranjestad ya tin 105 mucha, parti den cinco grupo pa carnaval di mucha. Senjora Sionia Muller di San Nicolas tin un grupo di 150 te 2000 persona cu lo camna den parada. Senjorita Helen Dongen ta formando un enorme grupo di carnaval. Ya ta segur cu e anja aki e gruponan lo ta mas grandi cu nunca y hopi record lo worde kibra. Pero cual grupo lo kibra e record esey ta di spera ainda. Cada grupo ta trahando duro pa presenta cu mas hende cu ningun otro y mas mihor desfraya cu antes. Tambe e muchanan di school ta mostrando interes. Diahuebes senyor Wil de Rooy a tene deliberacionan cu C.C.C. como representante di e muchanan di school. E schoolnan lo por tuma parti den e parada hunto cu e carnaval juvenil, cu e anja aki pa promer biaha ta worde fiesta extensamente y alavez organisa.

comite di honor

Entre tanto un comite di honor a worde estableci cu ta consisti di tur e presidentenan di C.C.C. nan cu tabatin den e ultimo 10 anjanan na Aruba. Den esaki tin puesto senjornan G.A. Oduber, Capels Lacle, Mingo Salazar, Janchi Arends, mientras cu Gezaghber O.S. Henriquez a accepta e puesto como presidente di honor.

ponemento di krans

Pa conmemora defunto senyor Eric (Tuschi) Arends, antes Gezaghber di Aruba, kende hunto cu senyor Milo Croes a tuma e iniciativa pa fiesta carnaval na Aruba "islandwide", un krans lo worde poni ariba dia 25 di Januari na su graf como un muestra di aprecio.

orkesta grandi

Tambe C.C.C. 1964 tin plannan pa trece un orkesta grandi for di exterior pa anima festividadnan di Carnaval na Aruba. Ya e promer paso nan pa esaki a worde tuma.

THE FILTER CIGARETTE
WITH RICH TOBACCO
FLAVOR



For Your Satisfaction

Programa di carnaval di C.F.T.

Santa Cruz, 19 Januari, Ultimamente e comite di carnaval di Connie Francis Teeners un club juvenil di Santa Cruz cu ta consisti di Alé Werleman (Presidente) Luciano Croes y Raymundo Lee a publica nan programa definitivo pa fiestamento di carnaval e anja aki.

Candidatanan

Connie Francis Teeners cual ta e promer club cu ya tin su Prins Carnaval, esta Arturo (Arie) Oduber tin seis candidata cu lo competi pa e titulo di Reina di Carnaval di e Club. E candidatanan ta e damanan, Swinda Croes, Aura Zlevinger, Angela Geerman, Balbina Martinez, Shirley d'Abreu, y Ramona Geerman. E reina di C.F.T. lo worde eligi dia 24 di Januari. Mientras cu e lo worde corona dia 26 di Januari durante un grandioso balle den Trappers Club na Santa Cruz. Segun informacion for di parti di e comite di carnaval Juvenil cu lo tuma lugar dia 31 venidero den Centro Juvenil na Tanki Leendert. Tambe C.F.T. lo participa den e parada di carnaval den e seccion juvenil.

Promer fertilizer pa Puerto Rico

Oranjestad, 18 Januari, Fin di e luna aki e promer fertilizer di Aruba lo worde exporta. E promer carga aki lo ta pa Puerto Rico. Aki ta trata di un cierto cantidad di ureum den sako y un cierto cantidad di fertilizer. A.C.I. a compra awor tambe un machin chiquito di imprimi cu cual e sakonan di fertilizer si ta necesario por worde marca cu un tekst of emblema, segun e deseonan di e clientenan. Esaki por sosode cu color.

Radio Victoria ta inaugura Bach Memorial Studio na Pos Chiquito

Oranjestad, 18 Januari,

Radio Victoria ta tene su sirbishi di habrimentu y dedicacion di su edificio nobo di studio y oficina Diadomingo, 19 Januari 4'or di atardi, na su sitio nobo banda di camina grandi poco pariba di Tele-Aruba y poco pabao di su transmisor.

E evento di mayor interés lo ta e presentacion di Plaqué Memorial di Bach den quen su nomber e edificio ta dedicá.

E defunto Rdo. T.J. Bach a traslada 12 Juni 1963 na un edad haltu. Su vida tabata di inspiracion spiritual profundo y útil na unda qu el a bai. Cincuenti siete aña pasá el a bai Venezuela y a queda binti aña como misionera promé qu el a bira director di mision. Durante e tempo el a keda na Venezuela el a cuminsa publica La Estrella de la Mañana cu ta

toria cada Diasabra anochi na 9:30.

Mientras cu Sr. Watson a sirbi bi como misionero na Corea, el a stablece e stacion yamá HLKX, awor un stacion di 50,000 watt cu programanan dirigi principalmente na nacionnan dominá pa e Comunistanan na Oriente. E tabatin experiencia promé cu esei como director di un stacion na Florida y den obra na Japon.

haci'e posibel di duna oyentenan noticianan di último ora. Personal dedicá na Dios ta opera e controlnan di su transmisor. Programanan evangelica cu ta sirbi pa tur hende ta parti e mensahe di salbacion na lugarnan cerca o leu.

Arriba 5 di November di aña pasá Radio Victoria a cuminsa transmiti for di su studionan nobo na Pos Chiquito. Segun Cristiannan dedicá a duna, e edificio tabata trahá y tabata cumpli den siete luna. Sr. Wallis Reimer, comerciante y contratista di California, a duna di su tempu y talentonan sin recompensa pa e edificio por ser trahá na costo mínimo.

Mañan ta dia di dedicacion di edificio nobo. Director di stacion, Sr. Pietsch y e staff ta extendé un invitacion cordial pa tur hende presenta na e sirbishi di dedicacion na 4'or mañan.

E Cas Di Bo Sonjo
na prijsnan practico



cu materialnan di construccion di calidad y na prijs atractivo, esey ta solamente na

PETRONA & CROES

Cumpra bo tairanan

Continental

awor y laga nos
monta nan

GRATIS pa bo.

Tur tamanjo na existencia.

**E. & G. MARTIJN
(ARUBA) N.V.**

Havenstraat 10-12
tel. 1429 - 1493

TA BUSCA PA HUUR

cas mueblá

pa worde ocupa inmediatamente.

pa inform. jama

tel. 1116 - 2116

**GRANDIOSO
CONCURSO DI
ARUBA CANDLE**

na nomber di su prestigioso producto

SUPER PINE

Pa cada botter bashi di „SUPER PINE,, etiqueta berde Bo ta ricibi un coupon cu valor di 10 PUNTO.

E tres personanan cu tin mas punto na final di e concurso lo gana un

**TELEVISOR
PORTATIL**

di e famoso marca „SANYO,, Cambia bo botternan bashi na ARUBA CANDLE Fergusonstraat No. 68A, Dakota.

Nos concurso lo sera dia 31 di mei 1964. Usa semper SUPER PINE y queda satisfecho. Pasobra Super Pine ta economico y ta mata 100% di tur microbionan.



Sr. Tom Watson y senjora. Senjora Watson ta secretario di Evangelical Alliance Mission, e mision Mericano cu ta donjo di Radio Victoria. E emisora aki lo tuma su studio nobo den uso diadomingo proximo.

E studio nobo situá na e caminda grandi entre Tele-Aruba y e studio biewu di Radio Victoria.

publicá te awor. Sr. Bach a bishita Aruba varios bez. E último bez é tabata ta na Aruba tabata 1953. E tabatin mashá interés den e obra di radio na Aruba. E presenta dje Plaqué Memorial di Bach lo ta haci pa Sr. Roberto Van Kampen, miembro di directivo di The Evangelical Mission (TEAM) (Mision Alianza) di Chicago, Illinois.

E Rdo. Tom Watson, Jr., Secretario di Radiodi Mision, lo papia na programa di inauguracion dje edificio nobo di estudio y oficina di Radio Victoria. E ta compaña pa su esposa, un soprano lirico di talento cu lo presenta seleccionnan vocal cu su esposo.

Sr. Watson ta e co-ordinador di ministerionan creciedo di radio cu awor ta inclui stacionnan di radio na Antillas Holandes, Corea, y Peru. Den algún otro pais. TEAM tin studionan di graba cu ta produci programanan evangélico radial cu ta transmiti pa stacionnan comercial. E Mision Alianza ta responsabel pa mas cu 38.000 programa transmiti cada aña den su camponan misionero.

Tambe Sr. Watson ta dirigi produccion di un programa semanal "Look Up And Beyond" cu tin relatonan di camponan misionero di TEAM rond di mundu y seleccionnan musical pa Sr. y Sra. Watson. E programa ta transmiti pa hopi stacion na América y tambe pa Radio Vic-

Rdo. Watson ta un siñador di Bijbel, autor y orador misionero entusiatico.

Mision Alianza, cu cual Sr. y Sra. Watson ta afiliá, ta un sociedad misionera stranjera interdenominacional cu ta auspicia obra evangélica, medical, educacional, di radio y di literatura ocupando mas cu 800 misionero na 17 campo di trabao. E oficina principal dje organizacion ta na Chicago, Illinois. E publicacion oficial ta The Missionary Broadcaster.

Radio Victoria a cuminsa transmiti 2 November 1958 cu poder di 5.000 watio. Sr. Norman Nydske tabata director di stacion y Sr. Robert Bedard Ingeniero Ora nan tabata trasladá na Lima, Peru. Sr. Paul J. Pietsch, Jr., a tuma puesto di director y Sr. Harold Kendall a sigui como ingeniero. Esei a tuma lugar ariba e di dos aniversario di stacion. Den Agosto di 1962 Radio Victoria a aumenta su poder di 5.000 te na 10.000 watio.

Awe Radio Victoria, e boz cultural di Caribe, ta proclama e mensahe di evangelio den cuatro idioma - Paplamente, Holandes, Inglés y Spañol. Su boz clá ta teni ariba e islanan di Caribe te na Haiti, Puerto Rico y Republica Dominicana na Noord, Venezuela na Zuid y bapornan den lamán. Radio Victoria ta transmiti 14 ora y mei diariamente den simán y 14 ora Diadomingo. Prensa Asocia cu su sirbishi di noticia mundial ta



Panama a kibra relacion cu Merca despues cu Merca a ninga pa delibera focante tratado nobo

PANAMA, 18 Jan. Panama a kibra relacionnan diplomatico cu Merca y a llama su personal dje embahada na Washington bek. Tambe nan a exigui pa retira e personal mericano dje embahada na Panama. Panama a tuma e medida aki despues cu e ministerio mericano di asuntunan exterior a ninga pa delibera tocante un tratado nobo di canal y despues cu deliberacionnan tocante e actual tratado a wordu rechaza.

Panama ta considera e tratado como causa pe recien irregularidadnan. Minister di industria y financiadi Panama a anuncia cu e lo sali pa Washington pa delibera tocante un fianza di tres millon dollar pa termina un autopista interamericano. El a bisa cu e relacionnan consulario y comercial no ta kibra. Pentagon a anuncia cu nan lo tene un dia di oracion pe per-

sonanan cu a cai den zona di canal di Panama. General O'Meara comandante dje forzanan mericano den e zona, a entrega gobernacion dje zona atrobe den man di autoridatnan mericano civil bow di gobernador general Robert Flemming, cu cual situacion di emergencia a keda aboli. E minister mericano di exterior Dean Rusk, a declara, cu Merca no ta dispuesto pa delibera cu

Panama tocante diferencianan di opinion, si esaki mester tuma lugar bow di presion, amenaza o violencia.

El a bisa esaki segun e senador democratico Fulbright na un reunion cu porta serra dje comision di senado pa relacionnan di exterior.

Rusk a agrega, cu Merca ta dispuesto pa delibera cu e gobierno Panamenjo, den ambiente di relacionnan amistoso. Promer el a bisa periodistanan, cu e situacion na Panama por wordu resolve door di deliberacionnan y negociacionnan entre ambos gobierno, si nan no comete violencia.

Miembronan Congreso Mericano na Aruba

Oranjestad, 18 Jan. Diarazon atardi un cuarto pa seis a baha na aeropuerto na Aruba un avion di fuerza di

Merca cu 6 homber di congreso Mericano. E Super Conny cual tabata ariba su biaha cu e miembronan di House of Representatives di E.U. pa Panama, pa motibo di e dificultadnan cu tin na e pais ey a baha un dia na Corsow despues di cual nan a bin Aruba caminda segun informacion nan lo keda te Diablierna venidero den Aruba Caribbean Hotel pa sosiego.

Na Aruba nan a worde encontra Diarazon atardi ora cu nan a baha pa Gezaghebber O.S. Henriquez y senyor A. Bool di Asuntunan General.

E hefe di e delegacion ta senyor Chat Hollyfield, miembro di America Atomic Commission.

electrico, cual por worde gia for di un distancia, di un manera cu e operador di e aparato no ta corre ningun peligro. E explotacion di e "shooting-range" di cual senyor Kelkboom ta e unico completamente bai ariba un base completamente comercial. Cada persona di mas cu 18 anja cu ta desea di practica e deporte, ora cu e lugar habri lo tin di cumpri unicamente un cah di bala y resto e ta hanja como servicio, esta scopet, trap-gun, clay-birds etc. Cu esaki endudablemente Aruba ta hanja un atraccion mas pa e turistanan cu ta baha na nos isla.

Material

E material cu por lo tanto lo worde usa lo ta cinco scopet. Tres lo ta di 12 caliber y dos di 20 caliber cualnan por worde usa pa dama tambe. Lo worde tira ariba "clay birds", parhanan di klei cualnan ta worde manda halto pa un "trap-gun". E "trap-gun" cu lo worde usa den e "shooting" aki lo ta un

Carlos Kelkboom a hanja permit pa Trap-shooting

Oranjestad, 18 Jan.

Pronto Aruba lo hanja un atraccion mas pa turista, cual lo ta den forma di un tereno pa "trap-shooting", caminda e amantenan di tiramento cu scopet por practica e bunita deporte aki. E persona cu a tuma e iniciativa pa establece tal pista pa tiramento cu scopet ta senyor Carlos Kelkboom, propietario y manager di Radio Kelkboom na Oranjestad. Fuera cu turismo lo por practica "trap-shooting" tambe habitantenan di Aruba ariba 18 anja tin ocasion pa practica e deporte aki.

Anjanan largo senyor Kelkboom ta un practica dor di e deporte di tiramento cu scopet. Especialmente "trap-shooting" ta e parti di e deporte aki cu e ta gusta masha. "Trap-shooting" ta tiramento ariba parhanan di klei, cual ta worde manda door di aire cu un "trap-gun", un mecanismo special cu ta manda un pida klei door di aire ariba cual e tirador tin di tira. Durante e weekendnan, senyor Kelkboom cu algun di su amigonan cu tambe ta gusta e deporte, por a worde mira na West-punt caminda nan tabata tira ariba "e pida klei". Asina nan tabata pasa oranan agradabel cu scopet na schouder. Mirando cu e deporte ta hopi gusta na Aruba y sabiendo cu e ta worde practica masha hopi na Merca, senyor Kelkboom a pidi un tereno pa practica e deporte aki en general, dunando turistanan y e habitantenan na Aruba cu kier practica e deporte aki, oportunidad pa haci esaki. E peticion a worde manda aden y awor ta asina leuw cu el a worde duna na senyor Kelkboom.

Na Palm Beach

E tereno cu senyor Kelkboom a hanja caminda cu e deporte aki por worde practica ta dilanti di "De Olde Molen" na Palm Beach. E permit mes a worde duna dia 9 ultimo. E condicionnan pa e permit ta duna e practica dor y e personanan cu ta pasa den becindario un seguridad maximo. E tiramento ta tuma lugar den direccion di e salinja y ningun persona por aserca e tereno foi di den e direccion contrario di cual ta worde tira. Tambe un di e condicionnan ta cu e tereno caminda lo worde tira tin di worde cera na un manera segur, caminda ta necesario cu muraya di bloki di cement, y otro caminda cu waya, esaki segun e condicionnan di e



COMPETITIE A.V.B.

Diasabra 18 di Jan. den Wilhelmina Stadion pa 3,30 p.m.

S.C.A. vs. Lucky-Star

(A-Klasse)

Entrada general f. 0,50

Diasabra anochi pa 7,30 den WILHELMINA STADION

Dakota vs. Estrella

(Hoofdklasse)




Entrada: Tribuna cu dak f. 1.-- Tribuna sin dak f. 0,50

Noticia di polis

Oranjestad, 18 Januari, Diarazon ultimo e auto A-2932 maneha pa R.K. a dal contra un di e postenan di ELMAR den Teaterstraat. Esaki segun e chauffeurnan a sosode ora cu el a perde control ariba stuur di e auto, na e momento cu e refresco cu e tabata bebe for di den un cup a worde supla door di biento den su cara. E resultado tabata cu e auto a hanja un danjo material di 750 florin.

Diarazon atardi un cuartopasa di cuarto e mucha homber H.L. kende kier a cruza Boerhaavestraat di ripiente a dal ariba e auto A-5586 maneha pa G.B. cu tabata pasando. E hoben a worde transporta cu ambulansa pa San Pedro Hospital, pero despues, pa un motibo of otro, a worde manda Lago Hospital caminda despues di a hanja tratamiento e por a bai cas atrobe. E mucha tabatin heridananan na su cabez y algun pleki blauw na su curpa.

Un bista di e bringamentunan den e zona di canal di Panama. Akinan trupanen di Merca usando mascaranan di gas ta corre cu demostranten Panamenjo usando gas lactrimogeno. E demostranten kier a hisa bandera Panamenjo den e zona di canal cu ta bao di mando di Merca.



E sabor „insuperable,, cu solamente Libby's por duna bo, Buniteza y sabrosura combiná, pasobra frutanan di Libby's ta suave y toch firme, y nan ta dirti riba bo lengua.

**N.V. WINKEL'S
HANDEL MIJ.**

Zanzibar ta kibra cu Merca

Revolucion a costa 400 bida

ZANZIBAR, 18 Jan. President Keroeme, lider dje gobierno nobo riba e isla Zanzibar, a kibra relacionnan cu Merca, mientras tur mericano riba e isla ta bow di huisarrest. Mas o menos 130 britanico lo wordu busca pa bapornan di marina britanico di Zanzibar. Riba e fregata Rhyt tin un continente di militar nan britanico pa duna asistencia si ta necesario. E consul frances a wordu hiba oficina di polis pa interrogacion. Nan a listra su cas.

E corant mericano "New York Herald Tribune", a acirbi cu e perspectivanan en relacion cu Zanzibar ta scur, y cuesakia empeora door dje inpotencia occidental, principalmente di Inglaterra pa stop e acontesmentunan peligroso aki. Segun e corant e britaniconan a equiboca den nan protectorado. Nan a acepta cu e sultan y e partido politico cu tabata na poder lo a fortifica e lasonan cu mancomunidad ora cu Zanzibar na december di anja pasa a obtene independencia. Pero ta parse cu isla a lanta, apoya door di poder nan misterioso. Influencia comunista ta visibily interesnan di Peking ta bira mas, segun Tribune.

400 morto

Mariscal John Okello cu tallama su mes e homber duru tras di revolucion na Zanzibar, ayera a declara na un conferencia di prensa, cu e cantidad di mor-

tonan ta mas o menos 400 y cu e bringamentunan actualmente a termina. E ministernan dje gobierno cu a wordu tumba lo mester para responsabel dilanti cortenan di justicia. Zanzibar lo keda den mancomunidad y lo no uni cu e bloke di poder.

Ningun persona dje actual gobierno tabata sa algu dje revolucion promer cu esaki a tuma lugar. Nan 1.800 partidarianan na nan promer atakanan riba oficina nan di polis a podera di armanan, flecha, mashete, y hacha. Despues nan a usa armanan automatica captura. Riba un pregunta, unda el a sinja su tactica militar Okello a contesta, boso por lesa esaki den biblia.

Algun el a conta cu durante dos anja el a forma parti di mau mau na Kenia.

Minister di asuntunan exterior dje gobierno nobo na Zanzibar, Abdoel Rahman Baboe, a declara cu e noticia falso di radio, cu algun ministernan dje gobierno blieeuw lo wordu cologa, a wordu

publica door di un traducccion malu di Swahili den ingles.

E minister a bisa, cu e ex-ministernan relaciona lo wordu detene te ora cu e tension riba e isla baha. Zanzibar, lo bira un estado socialista manera otro paisnan di Oost Africa, segun minister Baboe.

E oficinanan di gobierno y post-kantoor na Zanzibar a wordu habri, pero mayoria dje tiendanan te ainda ta serra.

Rumornan tocante base Ruso na Cuba

MIAMI, 17 Jan. Un miembro dje conseho revolucionario anticastro di Cuba, De Varona, a manda director dje servicio central di informacion di Merca un cantidad di fotonan aerea, cu segun e ta muestra existencia di un base nobo y importante di Rusia na Cuba.

E fotonan aki a wordu haci durante e orcan Flora door di dos colaborador dje corant Miami News.

E base ta situa cerca di Cabo Lucrecia, den norte dje provincia oriente, y ta construi principalmente pa submarino y proyectilnan arma.

Segun Varona, cu a declara di a hanja su informacion di adversarianan di Castro na Cuba, ta actualmente ne base tambe tunelnan di kilometernan largu, door di cual transportacion di raketnan y armanan pisapor medio di trein lo ta foi bista, tambe tin canalnan den cual submarinonan por drenta. Den e mesun territorio tin mas dje basenan aki, cu a wordu construi den edid parti di 1962, y a keda desmantela despues dje crisis cubano.

Nota Ruso

BERLIN, 17 Jan. Gobierno ruso a declara den un nota ne gobierno britanico, cu Berlin Occidental no ta forma parti dje republica federal di Alemania y cu juridiccion di autoridadnan di Alemania Occidental no ta expande te Berlin Occidental.

Accion contra humamento

COPENHAGE, 17 jan. Radio Danes a transmiti un programa cu ta specialmente destina pa oyentesnan cu ta huma hopi. Cun tratamentu di hipnotismo via radio nan kler cambia e custumber di huma.

Panamenjonan ta derra nan compatriotanan na Panama City. Tabatin un entierro massal, na cual tambe e presidente di Panama tabata presente.



CARRIBBEAN MERCANTILE BANK N.V.

TA PARTICIPA CU INTEREST Ariba SPAARBANKBCEKJES A WORDU AUMENTA HASTA

3 PORCIENTO

DESDE 1 JANUARI 1964. ADEMAS INTEREST ATRACTIVO TA WORDU CFRECI Ariba DEPOSITOS PA QUALQUIER PERIODO FIJO.

Medidanan Italiano

ROMA, 18 Jan. Gobierno Italiano tin idea di revisa estructura di belasting y dunapreferencia na tratamentu di articulan cu ta fabrica pa exportacion cu e fin pa mihora e posicion di balansa di pago dje pais. Den un comunicado cu a ser duna despues di un reunion di gabinete di shete ora ta ser bisa cu a ser dicidi pa limita expansion di credito y tene permit pa dunamentu di fianzanan di obligacionnan den fronteranan dje medidanan disponibel di placa. Nan lo alenta spaarmentu den forma di compra di accionnan. Gobierno na Roma a dicidi pa usa tur medidanan disponibel pa stabilisa prijsnan y apoya posicion di balansa di pago.

Den circulanon financiero ta ser bisa, cu no por propone nada definitivo tocante plannan di gobierno ya cu e resultado di deliberacionnan tocante un fianza di un biljoen lira di Merca no ta conoce.

BIBA MEHOR CU ELECTRICIDAD for di mainta trempan te anochi laat REDDY ta na bo servicio



LADIES, IMPORTANT NEWS THAT MEANS MONEY FOR YOU

You can make \$35 each week, and more, by visiting your friends and relatives. Show them my portfolio. It contains fashion illustrations and sample swatches of BEAUTIFUL DRESSES for the new season, SPORTSWEAR, LINGERIE, HOSIERY and ITEMS FOR GIRLS, MEN and BOYS. Large selection of over 200 styles to choose from. Low prices. Good values.

You collect several dollars profit on every order and, in addition, you get your own dresses without spending 1c.



You need no experience and you have nothing to pay. I will send you the portfolio FREE.

Fill out coupon and send it today.

PHILIP MEYERS, DEPT PP 333
TEXTILE BUILDING
CINCINNATI 2, OHIO

Name _____
Address _____
City _____ State _____ Age _____
(Please write clearly)

Dos empleado 30 años den servicio na Lago

San Nicolas, 18 Januari
Mayan dia 19 di Januari,
dos empleado di Lago
lo cumpli 30 anja cu
nan ta den servicio di
e compania aki. E ju-
bilarionan ta Senyor Bo-
nifacio Stamper y sen-
yor Vicente Arends.

Senyor Bonifacio Stamper kende tin 55 anja y awor tin e puesto di Corporal A - Dockman na departamento di Process-Recieving & Shipping, dia 23 di November 1933 a drenta servicio na Lago como "Wharfinger", na e Departamento di Recieving & Shipping caminda ainda e ta empleado. Durante e 30 añanan cu ela traha na Lago ela progresa for di Wharfinger "B", Wharfinger "A", Corporal "C", Corporal "B" te Corporal "A" - Dockman, cual puesto e tin na e momento.

Specialista di "Lay-off"

E otro empleado cu awe lo ta di jubileo ta senyor Vicente Arends, kende a cumpli 30 anja den servicio cu interrupcion diferente biaha. Epor worde considera un "specialista" di lay-off door di e tanto biahanan cu el a worde kita for di Lago pero a bolbe hanja su trabao. El a cuminsa traha na Lago dia 7 di Januari 1933 como obrero den Paint Department, caminda el a traha te 9 di November 1933, caminda el a hanja su lay-off temporalmente. El a bolbe Lago dia 15 di December 1933 como Helper den Paint Department y a keda traha eynan te dia 30 di Juni 1936 ora cu el a worde traslada pa Colony Maintenance Department. Aya el a bira Painter "C", e puesto cu e tabatin ora cu ela hanja su lay-off" dia 23 di Mei 1937. Dia 10 di Agosto 1937 el a bolbe hanja su mes puesto y a traha eynan te dia 17 di November 1937 ora cu el a worde traslada pa Labor Department como Labor Helper "B". El a traha eynan te dia

6 di July 1939 ora cu el a bolbe worde traslada pa Colony Maintenance Department como Laborer "A". Dia 27 di July 1944 el a worde kita for di trabao atrobe. El a hanja su trabao back dia 16 di April 1945 na Dry Dock (Shipyard) Department como Laborer "B" y despues a bira Laborer "A", Dry Dock Helper "B", Dry Dock Helper "A", Dry Dock Mechanic "C", y Crane Operator "C", e puesto cu e tabatin te ora cu el a worde traslada pa Garage Transportation Department cual awor ta Building & Services Department. E traslacion aki a tuma lugar dia 5 di September 1954. Den e departamento aki el a progresa for di Transportation Helper "A" te na Driver I, cual puesto e tin na e momento aki.

*Un bista di e brin-
gamentunan den e zo-
na di canal di Pa-
nama. Akinan trupa-
nan di Merca usando
mascaranan di gas
ta corre cu demos-
trantenan Pana-
menjo usando gas la-
crimogeno. E de-
mostrantenan kier a
hisa bandera Pana-
menjo den e zona cu
ta bao di mando di
Merca.*

Boso pastoor ta casa

Cainburg, 18 Januari,
"A resulta cu boso pastoor ta casa", asina e parokia catolico di e pueblecito Cainburg den Beieren a hanja tende Diadomingo ultimo for di preekstoel. E informacion aki, cual naturalmente a causa un comocion, a worde haci door di un decano kende na lugar di e pastoor di e parokia a haci e misa e dia ey. Alavez el a conta cu e pastoor di 40 anja a worde retira for di su puesto religioso despues cu iglesia a tende cu na Agosto ultimo el a casa na e oficina di censo den e ciudad Straubing, 50 kilometer for di Gainburg.

Guardia Suiso lo worde aboli

CUIDAD DE VATICANO, 17 Jan.
Papa Pablo probablemente pronto lo aboli guardia suiso, segun a ser anuncia foi circulonan vaticano bon informa, abolimiente lo forma plan di Papa pa modernisa su corte.

E guardia ta un anachronismo, pasombra polis vaticano ta haci kasi mesun trabao, Guardia suiso ta consisti di cien homber cu ta responsabel pa vigilancia di portanan di vaticano y habitacionnan personal di Papa. E guardia a wordu instala na 1505 y e uniformenan a wordu construi pa Michelangelo e tempu ey.



It Never Varies

Sabor cu nunca ta Varia

N.V. WINKEL'S HANDEL-MAATSCHAPPIJ

THEO LINDERS en LOURDES MARTHA

hebben de eer, ook namens wederzijdse ouders, kennis te geven van hun voorgenomen huwelijk op Woensdag 22 januari 1964.

De kerkelijke inzegening zal plaats vinden om 10 uur v.m., in de parochie kerk van de H. Elisabeth te Grave. Daarna zal een plechtige H. Mis tot hun intentie worden opgedragen.

Grave, Rogstraat 15
Nederland

Oranjestad, Sibellusstraat 20
Aruba N.A.

Receptie van 14.30 - 1.00 uur, in hotel "Poort van Cleve" te Grave
Toekomstig adres: Wilgenstraat 23, Beek (bij Nijmegen)



AGENDA

ARUBAANSE COURANT

diariamente cu excepcion di
diadomingo
subscription f. 3.25 pa luna
edicion los 20 ct.

edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.

imprimi na:

N.V. DRUKKERIJ
„DE STAD.

Telefoon 1116 Directiva y redac-
cion, 2116 Anuncio y subscrip-
cion.

Directeur hoofredacteur:
D. Wolff.

TELE-ARUBA

DIASABRA 18 JANUARI

- 05.30 Flash Gordon
- 06.00 This is Britain
- 06.30 Capt Grief
- 06.45 Papiamento Newscast Live & Filmnews
- 07.00 Top Cat
- 07.30 Sports News
- 07.45 Highway Patrol
- 08.15 Bold Venture
- 08.45 English Newscast Live & Filmnews
- 09.00 Fight of the week
- 10.00 Sign off.

DIADOMINGO 19 JANUARI

- 06.00 Sword of Freedom
- 06.30 Living World
- 07.45 Papiamento Newscast Live & Filmnews
- 08.00 Bat Masterson
- 08.30 Big Playback
- 08.45 Concentration
- 08.15 Live „Nos Tera“
- 08.45 English Newscast Live & Filmnews
- 09.00 Empire
- 10.00 Sign off.

RADIO CARACAS TELEVISION

DIASABRA 18 JANUARI

- 8.45 Senderos de luz
- 9.00 Tio Vacaciones
- 9.30 Relaciones Públicas
- 9.45 Proyecciones
- 10.15 Diálogo y cultura
- 10.45 Imagen de Francia
- 1.01 Federación Ven. de Ga-
riferos
- 1.30 Suplemento Hípico
- 12.00 El Show de Saume
- 13.15 Weekend con las estrellas
- 13.45 C.T.V.
- 4.15 Museo
- 14.30 Media hora con Chelique
- 5.00 Bowling
- 16.00 Farándula Musical
- 16.30 Peña Tanquera
- 16.45 Programa Musical
- 16.00 Canele al reloj
- 18.30 Tic Tac
- 19.00 Mr. Ed y Datos hípico
- 19.30 Que monada de familia
- 20.00 El observador
- 20.15 La era sinlestra
- 20.45 Alfred Hitchcock
- 21.15 Vida y destino
- 1.30 Boris Karloff
- 22.30 Charla

DIADOMINGO 19 JANUARI

- 9.00 Buck Rogers
- 9.30 Aventura del Caquelue Jao
- 10.30 El Circo
- 11.30 Pelicula
- 13.00 Torneo hípico y Perry Mason
- 18.00 Laramie
- 19.00 El Imperio
- 20.00 El observador
- 20.15 La hora estelar
- 21.15 Show de Aldemaro Romero
- 22.15 Bexeo
- 22.45 Miradas al mundo
- 23.00 Teleteatro

SIRBISHINAN DI MISA

PROTESTANT

Oranjestad: 12 Jan. 7 uur n.m.
Ds. Jakobs
Piedra Plat: 12 Jan 9. uur v.m.
Ds. Jakobs
San Nicolas: 12 Jan. 9 uur v.m.
Ds. Visser.



BOTICANAN DI WARDA

Oranjestad: Botica Aruba Tel:
1080-1081
San Nicolas: Botica San Lucas
Tel: 5119

DOKTERNAN DI WARDA

Oranjestad-Noord: Dr. V. v.d.
Bijl.
San Nicolas-Sta Cruz-Sav: Dr.
H.R. Dennert

WIT-GELE KRUIS

Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic

Cumpleanjos

Dia 17 di Jan. ta cumpli 2 anja
Leo Peterson, felicitacion ta bi-
ni di su mama Alicia, ruman-
nan Ito, Robby, Harold, y Hu-
bert, welanan Edith Peterson,
Lientje de Silva, tanta y omon-
nan, pepe Angelina Merendina
y Carla Merendina, muy espe-
cial di su prima Pamela y di
Estirida.

CASTRO NA MOSCU

MOSCU, 16 Jan. Prome minister
Castro di Cuba, cu ta haciendo
un bishita na capital ruso, a pone
den nomber di Cuba revolucio-
nario un krans na graf di Lenin.

Acuerdo entre merca y canada
Merca y Canada a serra un acue-
do tocante lansamentu di 4 satelli-
te Canadiense cu ayudo di raket-
nan Mericano, entre 1965 y 1970.
E satelitanan ta sirbi pa studia
atmosfera. Tur datonan obtene
lo worde pone na disposicion di
sciencia internacional.

Comandante nobo pa NAVO

E general britanico Fitzalan Ho-
ward a wordu nombra promer
comandante completo di forzan-
nan mobil di NAVO di guerra

na Europa. Te poco ten pasa
e comando aki tabata ehecuta
pa un general mericano. E for-
zanan mobil akita consisti di
batallonan britanico, mericano
belgo, aleman occidental i ita-
liano di infanteria y artilleria
y ta equipa cu arma nuclear.
Den caso di emergencia nan
lo wordu pone den teritorionan
lew.

Direccion militar Arabe establese

BEIROET, 17 Jan. Radio Cairo
a anuncia, cu e conferencia cum-
bre arabe na Cairo a llega di
acuerdo tocante formacion di un
direccion militar arabe, cu au-
torisacionnan financiero y ehecu-
tivo. Segun circulan di confe-
rencia e lidernan arabe entre o-
tro a llega di acuerdo tocante un
compromis tocante Palestina, cu
ta provisiona den formacion di un
ejercito di liberacion di Pale-
stina, cu ta forma pa Palesti-
nonan, y financia door di paisnan
arabe cu ta produci zeta y apoyo
di estadonan arabe en general.
Na esaki nan lo duna palestino-
nan un personalidad politico y
un unidad revolucionario militar
na falta di un unidad geografico.
E actual teritorio di Jordania
lo keda intacto y ejercito jor-
danes lo wordu apoya financieramente
pa liga arabe pa enfrenta
un eventual accion militar.

HUELGA DI DOKTER

BRUSELAS, 17 Jan. Docternan
Belgo lo cuminsa un huelga ge-
neral si nan no hanja solucion
pe conflicto cu gobierno Belgo
tocante ley nobo riba seguro di
enfemedad y invalidez. Asina
hoseronan dje federacion nacio-
nal di docternan a participa un
conferencia di prensa na Bru-
sela.

Na un tal huelga nan lo tuma
medidanan pa duna ayudo sola-
mente den casonan urgente. E
docternan dia 25 di jnuari lo
tene un reunion massal na Bru-
sela caminda nan lo papia to-
cante di e conflicto cu gobierno.

Edificio a cai den otro

PARIS, 17 Jan. Na Paris un
bloke di cas di 30 meter altu
cu tabata en construccion a de-
rumba.

Segun e promer noticianan mas
di 40 obrero a wordu tapa bow di
e ruina cu a cai. Polis a partici-
pa cu tin por lo menos dos
morto y 12 herido.

Testigonan a bisa cu e bloke,
di cual e skeleto y floernan ta-
bata cla caba a derumba manera
un bará di carta.

Awe mainta tempran equiponan
nobo di rescate a cuminsa tra-
ha ne lugar caminda un edificio
di 12 piso en construccion a de-
rumba. Segun calculo tabatin awe
mainta ainda 10 obrero bow dje
enorme serru di staal y beton.

Segun hefe di brandweer tin po-
co speranza, cu nan lo saca ainda
hendenan bibu foi e ruina. Te
awor ta sigur, cu 15 homber a
muri. 15 obrero ta hospitalisa.
Nan no sa ainda causa dje des-
gracia.

Terrorismo na Venezuela

CARACAS, 17 Jan. Na Venezuela
ayera forzanan di guerra pa li-
beracion nacional a bolbe comete
varios atentado. Cerca di Ca-
racas tres homber armá a drenta
cas di un altu oficial di ejercito
venezolano. Na San Felix, den
estado Dunbar, un grupo arma
di revolucionarionan a ataca un
edificio di gobierno y a bai cu
un cantidad di documento. Na
Cotuyo den estado Lara, dos
miembro di partido di gobierno
a worde secuestra pa tres hom-
ber armá.

Segni na Merca

WASHINGTON, 17 Jan. President
Segni di Italia, ne conferencia
di dos dia di su bishita di es-
tado na Washington a tene un
discurso pa un sesion combina
di Camara mericano di dele-
gado y senado. El a pidi pa keda
busca pa medidanan pa cambia
relacionnan internacional y re-
baha peliger di guerra.

*E premier Cubano
Castro actualmente
ta di bishita na Mos-
cu serca premier
Chroeshof pa delibe-
ra tocante di ferente
asuntunan mundial.*

*Na jegada di Castro
na e aeropuerto di
Moscu el a worde
ricibi personalmen-
te pa e premier Ru-
so cu cual el a in-
specta e guardia di
honor cu a presenta
na aeropuerto.*

K.L.M ta afilia Air Union

BRUSELAS, 17 Jan. Pa e 4 pais-
nan di Air Union afiliacion di
KLM ta un kestion acepta. A-
sina a ser anuncia di fuente
bon informa na Bruselas en re-
lacion cu noticianan foi Den Haag
cu Hulanda kier participa ne
deliberacion tocante Air Union,
cu ta un forma di cooperacion
entre Air France, Alitalia, Luf-
thansa, Sabena y actualmente
tambe KLM.

Net otro siman nan lo trata
na Bruselas pa trese e conver-
sacion riba pia despues cu mi-
nisternan di exterior di Francia,
Italia, Republica Federal y Bel-
gica a trata esaki. Na Bruselas
nan ta mira dos posibilidad, pa
envolve KLM ne deliberacion a-
trobe. E acuerdo ya stipula por
wordu aproba pe 4 paisnan, cam-
inda despues lo wordu serra
inmediatamente un acuerdo cu
Ulanda, of e conversacion mes-
ter wordu haci di nobo pa hanja
directamente un acuerdo dje cin-
cu paisnan. Na Bruselas nan ta
spera, cu e ultimo methodo aki
lo wordu ehecuta pasombra na e
manera aki nan ta crea un si-
tuacion mas cla.

E venidero deliberacion na Bru-
sela ta wordu tene riba nivel
altu. Tampoco por spera desti-
cionnan definitivo di dje.

RIP KIRBY

pa cortesla di:

JAN BODEGOM & CO (ARUBA) N.V.

Agente exclusivo di **FRIESCHE VLAG** lechl evaporado y lechl en polvo **MAXWELL HOUSE KOFFIE.**



CISCO KID

pa cortesla di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ

pa cortesla di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesla di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



HOROSCOPO PERSONAL

Pa diasabra 18 januari.

ARIES 21 maart - 20 april

Sucesonan y cambionan ta brinda bo un bon oportunidad pa mehora bo prestigio serca otronan. Mostra bo buena fe y bo capacidadnan.

TAURUS 21 april - 21 mei

Un dia favorable pa traha plan y regla tur sorto di asunto. Bo por spera un bon noticia pa carta o pa telefon. Evita discusion.

GEMINI 22 mei - 21 juni

Si bo ta pensa riba fiamento di placa, awe ta e dia adecuado pa esey. Anochilaat resulta poco fastioso, no perde sonjo.

CANCER 22 juni - 23 juli

Bo tin mester di cooperacion di otronan y bo ta spera esey tambe. Mostra nan esey, nan lo aprecia bo ayudo pa nan problemanan.

LEO 24 juli - 23 augustus

Esaki ta muestra un dia masha favorable pa logra algu y juda otronan. Anochi ta exigicuidao cu loke bo ta come pa no perjudica bo salud.

VIRGO 24 augustus - 23 sept. Tuma medidanan na ora pa un weekend agradable. Bo tin oportunidad pa goza di bo hobbynan y compania di sernan queri.

LIBRA 24 sept. - 23 okt.

Weekend ta exige hopi atencion pa bo famia y bo cas. Mostra esnan cu bo ta stima cu bo ta sinti algu pa nan.

SCORPIO 24 okt. - 22 nov.

Un dia menos favorable pa hasi compras importante. Evita gastonan extravagante. Atardi trata pa drecha bo errornan.

SAGITTARIUS 23 nov. - 21 dec.

Awor bo huicio ta hopi bon y bo por tuma medidanan cu ta duna bo ventaha y cosnan cu bo ta desea. Bai cu economia.

CAPRICORNIUS 22 dec. - 20 jan.

Bo tin oportunidad pa hasi cambionan pa mehoracion. Cuida bo bistrinan y sali busca contacto cu otronan. Hasi uso di bo influencia personal.

Pa talisman, Perfume, Incensio Perfume pa banja y laba cas, tambe bela di tur color, accudi na

„NICOLAAS STORE,,

Tel. 5385 - San Nicolas.

AQUARIUS 21 jan. - 19 feb.

Si bo percursa pa pasa un weekend tranquil y sosega bo curpa bon, bo lo ta mas capaz pa enfrenta bo trabao di otro siman.

PISCES 20 feb. - 20 maart

Un dia favorable pa jeganan un comprendimantu entre abo y bo amigunan. No keda lamta mucho laat, pasobra bo tin mester di sosiego.

ROBO DI HOYAS

Un homber y un muher a ataka un joyeria na Skottsdale (Estado Arizona), y a horta joyas na un balor di 4 cien mil dolar. tajoe en lai

DICK TRACY

